



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Synodus Landavensis Svb Gvlfrido XX. Ibidem Epsicopo, ob violatum
ecclesiae patrimonium habita.

urn:nbn:de:hbz:466:1-15967

SYNODVS LANDAVENSIS ANNO
CHRISTE
....
SVB GVLFRIDO XX.
IBIDEM EPISCOPO,

ob violatum ecclesie patrimonium habita.

LOVARCH filius Gatguocaun deprædatus est Aperguenfrut, & cepit Eicolf filium Cinhor cum omnibus rebus suis supelletilibus. Et facta illa iniquitate cum nimia ira & feruore in territorio sanctorum Dubricii, Teliaui, Oudocei, & refugio: mandauit episcopus Gulfrid clericos ecclesiastici ordinis de omni parochia infra ostium Taratyr super ripam Gui & ripam Tyui apud Lannoudocui. Et audita congregatione, simul & adunata pro tanta transgressionem, Loumarch requisit veniam, inclinans se ad terram flexis genibus, & effusis lacrymis coram episcopo & coram antepositis sacris reliquiis, crucibus & cymbalis, offerens se passurum & accepturum, recognoscendo delictum, canonicam sententiam & iudicium.

Inito consilio cum Synodo, & cum quibusdam parochiæ optimis viris laicalis ordinis, & catholicæ fidei, condonauit ei episcopus redditus sibi & suis omnibus rebus suæ vastationis, data sibi remissione, & iniuncta poenitentia admodum culpæ; & post datam veniam Loumarch largitus est in elemosyna villam *Trefcarn pont* cum tribus modiis terræ Deo & sanctis Dubricio, Teliauo, & Oudoceo in manu Gulfridi episcopi, & omnibus episcopis Landauia in perpetuo, cum tota sua libertate, & cum omni communiōe in campo, & in siluis, in aqua & pascuis, verbo & consensu Catell regis Guenti filii Arthmail. De clericis testes sunt Gulfridus episcopus, Duun sacerdos, Diuungual Laun abbas Lan Euniaun, id est, Lan Oudocui, Disfaith lector, Aircoit doctor, &c. De laicis Catell rex, &c. Quicumque custodierit, &c.